

INUIT ATAQATIGIIT

Inatsisartuni



05. juli 2021

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Inuusuttut 16-18-nik ukiullit covid-19-imut akiuussusersorneqarnissaannut qanoq pilersaaruteqarnerlutik Naalakkersuisut ilisimatitsinissaannik qinnuigineqarput.**
- 2. Inuusuttut 16-it ataallugit ukiullit covid-19-imut akiuussusersorneqarnissaannut qanoq pilersaaruteqarnerlutik Naalakkersuisut ilisimatitsinissaannik qinnuigineqarput.**

(Inatsisartuni ilaasortaq Sofia Geisler, Inuit Ataqatigiit)

Tungavilersuut:

Innuttaasut 16-it qummut ukiullit covid-19-imut akiuussusersorneqarnissaannik pilersaaruteqartornera Nunatta Nakorsaaneqarfiata nittartagaani siusinnerusukkut atuarneqarsinnaasimavoq. Maanakkut akiuussusersuinnermut 16-18-inut ukiullit ilaangillat.

Taamaattumik kissaatigivara innuttaasut ilaat, covid-19-imut akiuussusersorneqarnissaminnik, soorunami, pisariaqartitsisut pillugit Naalakkersuisut qanoq pilersaaruteqarnerat paasissallugu.

Kissaatigivara apeqqutikka ullut suliffiusut qulit qaangiutinnginneranni akineqarnissaat.